

आकाशवाणी

खबरां -----

1. भारत बरतानिया नै मुक्त बपार समझौते पर कीते हस्ताक्षर, प्रधानमंत्री मोदी होरें इसी दपक्खी रिश्ते आस्तै ऐतिहासिक ध्याडा दस्सेआ।
2. संसद नै दवें सदन बक्ख-बक्ख मुद्दें पर डंड रौली कारण दिन भरै लेई रेह स्थगित।
3. सुप्रीम कोर्ट नै 2006 मुम्बई ट्रेन ब्लास्ट मामले च 12 आरोपियें गी बरी करने दे बाम्बे हाई कोर्ट दे आदेश पर लाई रोक।
4. कलाकारें दे इक दल नै अज्ज राष्ट्रपति भवन च राष्ट्रपति द्रौपदी मुर्म हंडे कन्नै मलाटी कीती।
5. बैडमिंटन च भारत दी उन्नति हुडा नै अपने करियर दी सब्भनें शा बड्डी जित्त हासल कीती। 2 बारी ओलंपिक विजेता रेही चुकी दी पी.वी सिंधू होरें गी चाइना ओपन सुपर 1000 राउंड च हराया।

<><><><><><>

Clean-Energy

पेट्रोलियम ते प्राकृतिक गैस मंत्री हरदीप सिंह पूरी होरें आखेआ जे तकरीबन पूरा देश गै साफ-सुथरी उर्जा बक्खी मुडा रदा ऐ। लोकसभा च इक सवालै दा परता दिंदे होई पूरी होरें आखेआ जे सरकार हर तरीके दे उर्जा बदलाव आस्तै बचनबद्ध ऐ जेदे च सीएनजी ते पीएनजी शामिल ना। उनें लो पाई जे पीएनजी कनेक्शन 2014 च 25 लक्ख थमां बदिऐ डेढ करोड़ होई गे ना।

<><><><><><>

## PM-London

भारत ते बरतानिया नै मुक्त बपार समझौते पर दस्तखत कीते। बरतानिया दे अपने हमरूतबा हुंदे कन्नै गल्लबात मगरा इक बयानै च प्रधानमंत्री होरें इसी भारत ते बरतानिया दे दपक्खी रिश्ते च ऐतिहासिक दिन दस्सेआ। उनें खुशी जाहिर करदे होई आखेआ जे केई बरें दी मेहनत मगरा दौनें मुखें बश्कार व्यापक आर्थिक ते बपार समझौता होआ ऐ। उनें आखेआ जे एहू समझौता छड़ा आर्थिक सांझेदारी नेई ऐ, सगुआं भार ते बरतानिया लेई खुशहाली दी बत्त पदरी करोग। उनें आखेआ जे भारती कपड़ा, चप्पल, बूटे, नग ते गहनें गी दे बजारें तोड़ी खड़ी पुज्ज थ्होग। उनें जोड़ेआ जे एहू समझौता खास करिए भारती नौजवानें, करसानें, मदेरें आस्तै फायदेमंग साबित होग। अपने बयान च प्रधानमंत्री होरें आखेआ जे मुक्त बपार समझौता इक बड्डा ते आर्थिक तौरा पर महत्वपूर्ण बपार समझौता ऐ। उनें प्रधानमंत्री हुंदा उन्दे नेतृत्व आस्तै आभार प्रगट कीता।

<><><><><><>

## LS-RS-Adjourned

संसद च बिरोधी धड़े आसेआ बक्ख-बक्ख मामलें गी लेइयै कीते गेदे हंगामे करी दौनें सदनं दी कार्यवाही गी अज्ज दिन भरै लेई स्थगित करी दित्ता गेआ। अज्ज दिनें 11 बजे जि'यां गै लोकसभा दी बैठक लग्गी तां स्पीकर ओम बिरला होरें सोआलें दे समें आहली कार्यवाही शुरू करवाई पर बिरोधी धड़ें दे सदस्य बिहार च मतदाता सूचिएं दी विशेष नजरसानी होरनें बक्ख-बक्ख मामलें पर चर्चा दी मंग करदे होई सदन दे बिच्चो-बिच्च आई गए जिस करी स्पीकर होरेंगी सदन दी कार्यवाही पैहले दपैहरी दो बजे तोहड़ी ते फही पूरे दिनै लेई स्थगित करनी पेई गेई। दुई बक्खी राज्यसभा च बिन्द हारा कम्मकाज जरूर तोड़ चढेआ पर बरोधी सदस्यें लगातार सदन च डंड रौली पाई रक्खी जेदे चलदे राज्यसभा दी कार्यवाही पैहले दपैहरी दो बजे तोहड़ी ते फही पूरे दिनै लेई स्थगित करी दित्ती गेई।



## Dy CM-Bhiar-SIR

बिहार दे उपमुख्यमंत्री समरत चौधरी होरें आखेआ ऐ जे कोई बी काबिल मतदाता मतान सरबंधी चला रदे खास गहन अभियान थमां बाहर नेई रौहग। राज्य विधानसभा च इस बारै बोलदे होई चौधरी होरें आखेआ जे दलित, पिछड़े ते अल्पसंख्यकें दा मताधिकार खत्म नेई होगा। एहदे शा पैहले तेजस्वी प्रसाद यादव होरें आरोप लाया हा जे SIR सवालें च ऐ कीजे राज्य विधानसभा चुनाव तौले गै होने आहले ना। बिहार विधानसभा दा अज्ज चौथा ध्याड़ा ऐ। स्पीकर नंद किशोर होरें SIR मुद्दे पर चर्चा दी इजाजत दिती जेदे कन्नै इस मंग गी लेइयै डंड रौली खत्म होई गेई।



## Chinar Book Fest

केंद्री शिक्षा मंत्रालय ते जिला प्रशासन श्रीनगर नेशनल बुक ट्रस्ट दे सहयोग कन्ने 2 थमां 10 अगस्त तगर श्रीनगर च चिनार किताब मेला-2025 आयोजित करा'रदा ऐ। एहदे च 300 प्रकाशकें दे हिस्सा लैने दी मेद ऐ। विद्यार्थिणं गी इत्थे कताबां रियायती भाणं पर उपलब्ध होडन। इस बारै मुख आकर्षण रौहग शारदा लिपि, कश्मीरी, डोगरी पर ते गोजरी भाषा ते मुकामी बोलिणं पर होगा। चिनार बुक फेस्टिवल दे चीफ कन्वीनर डॉ. अमित वांचू, नेशनल बुक ट्रस्ट दे निदेशक युवराज मलिक होरें उपराज्यपाल मनोज सिन्हा हुंदे कन्नै मलाटी कीती। इनें औंदे उत्सव दी तैयारिणं पर चर्चा कीती।



## CU-AACSB

भारती उच्च शिक्षा च इक बड्डी उपलब्धि तैहत सेंट्रल यूनिवर्सिटी ऑफ जम्मू गी The Association of Advance Collegiate schools of business (AACSB) आसेआ मिम्बरशिप दिती गेई। एह

दुनिया भरै मन्ने-परमन्ने दा एसोसिएशन ऐ। सी.यू.जी एह उपलब्धि हासिल करने आहला भारत दी पैहला केंद्री यूनिवर्सिटी ऐ।

<><><><><><>

S.C

सुप्रीम कोर्ट नै 2006 मुम्बई ट्रेन ब्लास्ट मामले च 12 आरोपिणं गी बरी करने दे बाम्बे हाई कोर्ट दे फैसले पर रोक लाई दिती ऐ। सुप्रीम कोर्ट नै State of Maharashtra दी अपील पर प्रतिक्रिया च एह कदम चुक्केआ जेदे च बाम्बे हाई कोर्ट दे फैसले गी चुनौती दिती गई ऐ। Solicitor General of India Tushar Mehta जेड़े गै State of Maharashtra दे अगगे पेश होए, उनें बैच गी आखेआ जे ओह आरोपिणं गी निर्देश देने आस्तै आदेश नेई चाहंदे न, जेड़े गै जेल थमां बाहर ना बैच च M M Sundresh ते Justice N.K Singh शामिल हे।

<><><><><><>

Pre.-Artists

कलाकारें दा इक समूह अज्ज राष्ट्रपति भवन च राष्ट्रपति द्रौपदी मुर्मू हुंदे कन्नै मिलेआ। एह 29 कलाकार झारखंड, ओडिशा ते पच्छिम बंगाल दे न ते इस म्हीने दी 14 तरीक थमां अज्ज तोड़ी राष्ट्रपति भवन च गे हे। इनें कलाकारें कला उत्सव 2025 दे दुए संस्करण च हिस्सा लैता। राष्ट्रपति मुर्मू होरें कलाकारें दे बेहतरीन कम्में गी दिक्खेआ ते भारत दी सांस्कृतिक कलात्मक धरोहर गी अगगे बदाने आस्तै उन्दे योगदान दी सराहना कीती। इनें कलाकारें च सौहराई, पट्टचित्र ते पटुआ बी शामिल हियां। राष्ट्रपति होरें इनें कलाकारें गी भविक्ख आस्तै शुभकामनां दित्तियां।

<><><><><><>

## RS-Oath

राज्यसभा दे उपाध्यक्ष हरिवंश होरें अज्ज नमें सदस्य उज्जवल निकम होरें गी शपथ दोआई। उनें मराठी भाषा च शपथ लैती। हरिवंश होरें दस्सेआ जे उन्दे कोल बक्ख-बक्ख राजनीतिक दलें थमां 30 स्थगन नोटिस आए देन जिंदे च बिहार च खा तफसीली अमलावरी पूरे देश च साईबर धोखाधडी शामिल ना। मगर उनें इनें नोटिसें गी खारिज करी दित्ता। सदन नै 6 सेवानिवृत्त सदस्यें गी अलविदा कीता जिनें अपना कार्यकाल पूरा करी लैता हा।

<><><><><><>

## Amarnath-Yatra

श्री अमरनाथ जी दी जात्तरा बवस्थित ढंगै सिर चला करदी ऐ ते इस बरे अजें तोड़ी त्रै लक्ख 42 ज्हार कोला मते श्रद्धालुएं शिवें दे हिमलिंगम रूप दे दर्शन करी लैते दे ना। तोआई, जम्मू दे भगवती नगर जात्तरी निवास थमां अज्ज बडुलै सख्त सुरक्षा बंदोबस्तें हेठ त्रै ज्हार 500 अमरनाथ श्रद्धालुएं दा जत्था पहलगाम ते बालटाल लेई रवाना होआ। आकाशवाणी दे जम्मू संवाददाता दी रिपोर्ट मूजब इस बरे श्री अमरनाथ जी दी जात्तरा दे पैले 21एं दिनें दरान गै त्रै लक्ख 21 ज्हार कोला ते श्रद्धालुएं श्री अमरनाथ जी दी गुफा च मत्था टेकी लैते दा ऐ ते इस बरे श्रद्धालुएं दी गिनत्री साड्डे त्रै लक्ख दे आंकडे गी अराम कन्नै पार करी लैग कीजे अजें बी जात्तरा लेई 17 ध्याडे बाकी ना। देसै दे बक्ख-बक्ख हिस्सें थमां श्री अमरनाथ जी दी जात्तरा लेई जम्मू-कश्मीर च आए दे श्रद्धालुएं च जबरदस्त उत्साह दिक्खेआ जा'रदा ऐ।

<><><><><><>

## Mock-Drill

औंदी बुड्डा अमरनाथ जात्तरा दी तैयारिएं दा जायजा लैने लेई पुंछ पुलस ते होरनें दुई सुरक्षा एजेंसिएं इक व्यापक मॉक ड्रिल कीती। अजमैश आहली इस कार्रवाई दा मकसद तैयारिएं दा आंकलन करना

हा। एह कार्रवाई पुंछ दे एस.एस.पी शफकत हुसैन हुंदी दिक्ख-रिक्ख च होई। इस दौरान पुलस, नीम फौजी बल ते होर दुइएं आपात सेवाएं बशकार तालमेल दा बी जायजा लैता गेआ। एसएसपी पुंछ होरें आखेआ जे एह माँक ड्रिल ते रिहर्सल बुड्डा अमरनाथ जी दी जात्तरा गी सुचारू ढंग्गै सिर करोआने लेई ही।

<><><><><><>

## Badminton-China Open

बैडमिंटन च भारत दी उन्नति हुडा नै अपने करियर दी अज्ज सब्भनें शा बड्डी जित्त हासल कीती। उनें 2 बारी ओलंपिक विजेता रेई चुकी दियां पी.वी सिंधू होरें गी 21-16, 19-21, 21-13 कन्नै चाइना ओपर सुपर 1000 राउंड च पछाडेआ। सिंधू होरं जपान दी tomoka Miyazaki गी हराया, मगरा हुडा दी गति गी नेई सहारी सकियां। एहदे शा पैहले हुडा नै स्काटलैंड दी Kirsty Gilnour गी हराया ते चाइना ओपर क्वार्टफाइनल च पुज्जने आहली पैहली भारती महिला बनियां।

<><><><><><>

## Chess

भारत दी दिव्या देशमुख नै फिडे महिला विश्व कप-2025 दे सेमीफाइनल दे गेम-2 च चीन दी झोंगयी गी हराइए फाइनल च थाहर पक्की कीती ऐ। एह उपलब्धि हासल करने आहली ओहू पैहली भारती महिला ऐ। इस जित्त कन्नै दिव्या नै 2026 च होने आहले कैंडीडेट्स टूर्नामेंट च बी अपनी थाहर पक्की करी लैती ऐ ते पैहला ग्रैंड मास्टर नार्म बी हासिल कीता।

<><><><><><>

## JDU-SIR

जनता दल यूनाइटेड दे सांसद कौशलेन्द्र कुमार होरें अज्ज विपक्ष पर बिहार च मतदाता सूची गी लेइयै चला'रदे खास गहन अभियान पर राजनीति करने दा आरोप लाया। आकाशवाणी समाचार कन्नै गल्लबात करदे होई जेडीयू दे नालंदा थमां सांसद होरें आखेआ जे सरकार चर्चा आस्तै तैयार ऐ, मगर विपक्ष मुद्दें पर राजनीति करना चाहंदा ऐ।

<><><><><><>

## ED

प्रवर्तन निदेशालय नै रिलायंस अनिल अम्बानी ग्रुप कंपनीज़ दे खिलाफ लोन फ्राड ते काले धन गी वैध दस्सने दे सरबंध च 35 थाहरें पर छापे मारे। इस जांच दे घेरे च 50 कंपनियां ते 25 लोक न। प्रवर्तन निदेशालय नै आखेआ जे शुरूआती जांच च पता लग्गा ऐ जे इक प्राइवेट बैंक थमां 2017 ते 2019 च 3 ज्हार करोड़ रपे दा लोन डायवर्सन यानि जिस मकसद आस्ते पैसा लैता गेअरा, उसी कुसा होर कम्में च इस्तेमाल कीता गेआ।

<><><><><><>

## Azad Statehood

जम्मू-कश्मीर दे साबका मुख्मन्त्री ते डेमोक्रेटिक प्रोग्रेसिव आजाद पार्टी दे प्रधान गुलाम नबी आजाद होरें जम्मू-कश्मीर दा राज्य दा दर्जा बहाल करने ते प्रदेश दे तेजिया कन्नै विकास-बाहे दे प्रति अपनी बचनबद्धता गी इक्क बारी फही दोहराया ऐ। अज्ज कटड़ा दे अपने दौरे दरान मीडियाकर्मियें कन्नै गल्ल करदे होई आजाद होरें आखेआ जे खित्ते दा चबक्खा विकास ते मकामी लोकें दे अधिकारें दी राक्खी-हिफाजत उन्दी पार्टी दा मुख् एजेंडा ऐ। भारत दे उप-राश्ट्रपति दे ओहदे लेई उन्दे नांS पर विचार कीते जाने दिएं अटकलें गी खारिज करदे होई आजाद होरें ऐसी रिपोर्टें गी बेबुनियाद ते अफवाह करार दित्ता।

<><><><><><>

## Thailand-Combodia Conflict

थाईलैंड नै कंबोडिया दे सेना ठिकानें गी लंबे चलारदे बन्ने गी लेइयै तनोतनी दे सरबंध च निशाना बनाया। कंबोडिया नै आखेआ ऐ जे ओहू निर्णायक तरीके कर्न प्रतिक्रिया देग। एहूदे शा पैहले थाईलैंड ते कंबोडिया दी सेना बश्कार मती बारी झड़प्फ होई ही।

<><><><><><>

## Russia-Airlifts

इक रूसी जहाज जेदे पर 40 लोक सवार हे तांयडा दे कोल पूर्वी अमूर क्षेत्र च क्रैश होई गेआ। सूत्रें मताबक लैंडिंग दे समें सही नजर नेई औने करी ऐसा होआ। antonor An-24 जहाज Anagola Airlines चलाया जारदा हा, एहू जहाज मंजिल थमां किश किलोमीटर दी दूरी पर रडार शा बाहर होई गेआ। बचाव कर्मिं गी दूर दरेडे जंगलें च मलबा लब्बेआ।

<><><><><><>

## Coop Policy

केंद्री गृह ते सहकारिता मंत्री अमित शाह होरें नमी दिल्ली दे अटल अक्षय उर्जा भवन च राश्ट्री सहकारिता नीति-2025 दी घोषणा कीती। इसी इक महत्वपूर्ण बदलाव दस्सेआ जारदा ऐ जेड़ी अगले 2 दाहकें च भारत दी सहकारिता मुहिम दा रस्ता तय करोग। जमीनी स्तर पर विस्तार गी पक्का करने ते विकसित भारत-2047 दे धेइए गी पूरा करने दे धेइए गी पूरा करने च एहू नीति रोडमैप दा कम्म करोग।

<><><><><><>